

49.92
1032
=4

人
竺
阿
宗
武



Centimetres
1
2
3
4
5
6
7
8
9
10
11
12
13
14
15
16
17
18
19
8

INCHES
1
2
3
4
5
6
7
8

TIFFEN Color Control Patches
© The Tiffen Company, 2007

卜筮正宗卷之七

古吳洞庭西山王維德洪緒註

壬午舉人弟

需遵時

叅訂

吳庠鍾

英子燦

蔡鑑升明

門人


謝朝柱巨材

同較

任用淵潛菴

男其龍雲客
章琢軒

病症



人孰無常疾病無常事孰爲大死生爲大

凡占病症以官爻爲輕重得病根由獨發之爻亦可推之

火屬心經發熱咽乾口燥水歸腎部惡寒盜汗遺精

金肺木肝土乃病侵脾胃衰輕旺重動則煎迫身軀

鬼爻屬火心經受病其症必惡寒盜汗或遺精白濁類屬金肺

腎經受病其症必咳嗽虛怯或氣喘痰多類屬木肝經

受病其症必虛黃浮腫或時氣瘟疫類若鬼爻衰弱則

病輕旺相則病重安靜則安臥發動則煩躁之類也

坤腹乾頭兌必喉風咳嗽艮手震足巽須癱瘓腸風

鬼在坤宮腹中有病火鬼必患腹癰水鬼腹中疼痛

動化財或化水鬼必患瀉痢土鬼則是食積癖塊或

沙脹蠱症木鬼絞腸沙痛或大腸有病金鬼脇肋疼

痛在上胸痛在下腰痛此鬼在坤宮斷餘卦類推之

騰蛇心驚青龍則酒色過度勾陳腫脹朱雀則言語

顛狂虎有損傷女子則血崩血暈玄武憂鬱男人則

陰症陰虛

騰蛇鬼則坐臥不安心神不定青龍鬼則酒色過度

虛弱無力勾陳鬼胸膈腫脹脾胃不和朱雀鬼狂言

亂語身熱面赤白虎鬼跌打氣悶傷筋損骨女人血

崩血暈產後諸症蓋白虎血神故也玄武鬼色慾太

過憂悶在心在本宮主陰虛化子孫男子陰

鬼伏卦中病來莫覺官藏世下病起如前

遇官鬼不出現必隱然得病不知何

由官鬼伏在世下必是舊病復發

若伏妻財，必是傷飢失飽，如藏福德，定然酒醉耽淫。父乃勞傷所致，兄為氣食相侵。

鬼伏財下，必是傷食或因財物起，或因婦女得病。鬼伏子下，必是酒醉過度，或因房事，或過干，因涼冬或多着裘帛，或過服補藥，所致鬼伏父下，必是勞心勞力，憂慮傷神，或因動土所致，或因尊長得病。鬼伏兄下，必因口舌爭競，停食感氣，或有呪詛得病。

官化官，新舊兩病，鬼化鬼，遷變百端。

卦中現有官爻而又變出官爻，主新舊兩病也。又如官爻止進神則病增，化退神則病減。

化出父書在五爻，則途中遇雨變成兄弟居二位，則房內傷風。

化出父母，必在修造之處得病。若在五爻屬水，則在途中冒雨而得也。如化兄弟，必因口舌毆氣，或是傷食。若在三爻，必房中脫衣露體，感冒風寒。若化子孫，則在僧道寺院，或漁獵遊戲，化財傷食，或因妻奴，或因買賣，已上六親化出官鬼爻，亦依此斷。

本宮為在家得病，下必內傷。他卦為別處染災，上須

外感。

鬼在本宮家中得病，在下三爻，必是內傷症候。官在外宮外方得病，更在上三爻，必是外感風邪。上下有鬼內傷兼外感症候不一。

上實下空，夜輕日重。

鬼在內宮病，必夜重。鬼在外卦病，必日重。若卦有二鬼，一壯一空，或一動一靜，必日輕夜重也。

動生變剋暮熱朝涼

凡動爻爲始變爻爲終若動爻生扶用爻而變爻刑剋用爻者必朝涼暮熱日輕夜重動剋變生反此斷

水化火火化水往來寒熱

水化火火化水不拘鬼爻但有于犯主象者皆是寒熱往來之症亦有水火二爻俱動亦然水旺火衰寒多熱少倘水受傷火得助則常熱乍寒也坎宮火動內寒外熱離宮水動皮寒骨熱若帶日辰必是瘧疾

上冲下下冲上內外感傷

上下有鬼病必內外兩感俱動俱靜者一同受病二鬼自冲者適感而適愈也

火鬼冲財上臨則嘔逆多吐

火性炎上財爲飲食故占病遇火鬼動剋外財必是嘔吐重則反胃不食

水官化土下值則小便不通

水官化出回頭工剋在本宮初爻是小便不通屬陰是大便不通陽宮陰象陰宮陽象二便俱不通若加白虎陽爻是尿血陰爻是瀉血白虎血神故也帶刑害是痔漏症

若患牙疳兌鬼金連火煞

鬼在兌宮口中疳有病若金鬼化忌神或忌神化金鬼必患牙疳不化忌神則是齒痛靜鬼逢冲齒必動搖如生脚氣震宮土化水星

鬼在震宮病在足加勾陳足必腫加白虎必折傷破損土鬼化木則患脚氣木鬼酸疼麻木水鬼是濕氣火鬼必生瘡毒金鬼是脚骨膝疼骨痛或刀刃所傷類

鬼在離宮化水痰火何疑官來乾象變木頭風有準

震遇騰蛇仍發動驚悸顛狂。艮逢巳午又交重。癰疽瘡毒。

離宮鬼化水爻痰火症候。水動化鬼亦然。乾宮鬼化木爻頭風眩暈。木動變鬼亦然。震在外卦勿以脚斷。可言其病坐臥不安。心神恍惚。蓋震主動故也。更加騰蛇發動。必是顛狂驚癰之症。小兒乃驚風也。逢冲則有逾牆上屋之患。艮逢火鬼必生癰疽。若遇變出土鬼。可言浮腫。蠱脹等症。餘可類推。

卦內無財。飲食不納。

財主飲食。若遇空亡。飲食不納。若不卜卦。不思飲食。

間中有鬼。胸膈不寬。

世應中間。即病人胸膈處也。官鬼臨之。必然痞塞不通。金鬼胸膈骨痛。土官飽悶不寬。木鬼心痒嘈雜。水

鬼痰飲填塞。火鬼多是心痛。若化財爻。或財爻化鬼。必是宿食未消。以致胸膈不利。

鬼絕逢生。病體安而復作。

官鬼逢絕。其病必輕。如遇生扶。謂之絕處逢生。其病必將復作。

世衰入墓。神思困而不清。

世爻入墓。病必昏沉。旺相有氣。則懶于行動。衰則不言不語。是怕明喜暗。不思飲食。愛眠怕起。懶開目。更坐陰宮。必是陰症。用爻入墓。鬼墓臨用。原神入墓。皆依此法斷。

應鬼令身。纏染他人之症。

應臨官鬼。刑剋合用爻。必因探訪親友。病而纏染也。鬼爻屬上。是時行疫症。用爻臨應。必然病臥他家。

世官傷用。重發舊日之灾。

大抵官爻持世必然原有病根傷用必是舊病再發否則必難脫體卦身持鬼亦是舊病

用受金傷肢體必然酸痛主遭木剋皮骨定見傷殘

火為仇則喘欬之災水來害則恍惚之症

如金動來剋則木爻受傷支節酸痛木動來剋則土爻受制皮骨傷損餘可類推

空及第三此病須知腰軟

第三爻如值旬空為腰軟或旺相而空為腰痛不空而遇動爻日辰官鬼剋冲者乃閃腰痛也動空亦然鬼在此爻者亦主腰痛

官傷上六斯人當主頭疼

不惟官鬼剋傷上六而主頭疼即如官鬼所臨之處亦有病也如官鬼剋間爻或臨間爻皆主胸膈不利

忌神亦然餘可類推

財動卦中非吐則瀉

財爻動臨上卦主吐動臨下卦主瀉若逢合住則欲吐不吐欲瀉不瀉

木興世上非癢即疼

寅卯二爻屬木寅木主痛卯木主癢

病體

既明症候當決安危再把爻神搜索箇中之玄妙重

加參攷方窮就裏之精微先看子孫最喜生扶拱合

子孫能剋制鬼煞古人謂解神又名福德占病又為醫藥卦中無此則鬼無制服藥無效驗禱神不靈所

以先宜看此。惟占父母丈夫病不宜子孫發動。動則傷剋夫星。又剋傷父母之原神也。

次觀主象。怕逢剋害刑冲。

主象即用神也。如占夫以官為用神。占妻以財為用神。類如遇刑冲剋害。即病人受病磨折。故怕見之。剋害處若得生扶。必不至死。

世持鬼爻。病總輕而難療。

占白病。怕鬼持世。必難脫體。

身臨福德。勢雖險而堪醫。

月卦身乃一卦之體。子孫臨之。決然無虞。總然病勢凶險。用藥可以痊愈。

用壯有扶。切恐太剛則折。

凡用神臨月建。又得口辰生扶。拱合再遇動爻生扶者。乃太剛則折之兆。最怕用神又值日建。必凶。若有日辰動爻刑剋。則不嫌其旺矣。所謂太過者損之。則利也。

主空無救。須防中道而列。

非獨指空而言也。凡主象某絕空。破有救者。無妨。無救者。必死。救者。生扶拱合也。

祿係妻財。空則不思飲食。壽屬父母。動則反促天年。

占病以妻財為食祿。卦若無財。或落空亡。乃是不思飲食。父母爻動。占病所忌。以其剋制福神。官煞能肆其虐故也。主服藥無效。故云反促天年。占兄弟病。反宜動也。

主象伏藏。定主遷延乎日月。

用爻不上卦。縱有提挾扶引者。必待其值日出露。或久病必值年值月病方愈。故曰定主遷延日月也。

子孫空絕必乏調理之肥甘。

子孫固為藥又為酒肉若臨死絕或在空亡或不上卦病中必無甘肥調理或曰辰或應爻帶子孫生合用爻者必有人餽送食物資養。

世上鬼臨不可隨官入墓

凡占自己病若世上臨鬼入墓于日辰或化入墓庫于爻固非吉兆世爻持鬼墓發動者亦凶。

身臨福德豈宜父動來傷

占病以子孫為解神身若臨之大吉之兆如父母動來剋傷仍為不美如父母有制無妨。

鬼化長生日下正當沉重。

鬼爻發動病勢必重若鬼化入長生乃一日重一日之象。

用連鬼煞目前必見傾危。

連字當作變字解今術家以用神變出官鬼者斷其病必死是以辭害義矣孰知鬼煞者是忌神也用連鬼煞即指用化回頭剋耳如用神變回頭剋而無月日動爻解救者目前立見其危也。

福化忌爻病勢增加於小愈。

子孫發動制伏官鬼其病必減若化父母回頭剋壞子孫必因病勢少愈不能謹慎以致復加沉重子孫化官爻亦然。

世撓兄弟飲食減省於平時。

兄弟持世飲食必減其病亦因多食而得。

用絕逢生危而有救。

凡用爻逢絕如得卦中動爻相生謂之絕處逢生凶中回吉之象雖危有救

主衰得助重亦何妨

用神不宜太弱弱則病人體虛力怯難痊若得日辰動爻生合扶助最吉總有十分重病亦不至死也

鬼伏空亡早備衣冠防不測

此兩句惟言父母官府丈夫病如遇官爻伏而又空者須防不測

日辰帶鬼亟為祈禱保無虞

如日辰帶官鬼生合世爻或用爻者當為祈禱看其生合者是何等神如生合青龍父母是花幡香願勾陳則土地城隍朱雀則香燈口愿騰蛇則百怪驚神白虎則傷司五道玄武則玄帝北陰陽象陽爻是神陰象陰爻是鬼今陳大器後有鬼神章盡細閱之照斷方是切不可妄斷有費民財

動化父來冲剋勞役堪憂

卦中父母爻動來冲剋用爻或用爻動變父母不冲剋者宜自在少勞碌不然病即反覆又加沉重矣

日加福去生扶藥醫則愈

日辰臨子孫生扶拱合用爻必得藥力而愈

身上飛伏雙官膏肓之疾

身者卦身及用神也如身爻上已臨官鬼又他爻動而飛入身上來者或身之前後夾有官鬼或用爻前後夾有官鬼或世上有鬼而身上又有鬼皆謂之雙官夾用夾身大象不死亦是沉困考終之疾也即如占子孫居其四爻鬼之中是也餘倣此

命入幽明兩墓泉世之人

以卦看有鬼墓以世看有世墓以用神看有主墓凡遇此三墓出現卦中者人皆見之其墓爲明變入墓中者人所不見其墓爲幽不拘幽明病主危困或世爻用爻被官鬼兩頭夾之或見有兩重鬼墓夾身者必死得日辰動爻冲破墓爻庶幾無事

應合而變財傷勿食饋來之物

應爻動來生合用爻當有問安之人帶財福必有饋送兄弟則清訪而已若應雖生合而用爻或變妻財或被財爻刑冲剋害用神者倘有饋送切宜戒食否則反生傷害若古長輩尤宜忌之

鬼動而逢日破何妨見險之虞

官爻發動或忌神發動其禍成矣若得日辰動爻冲之謂已冲散主其病雖凶而不死

欲決病痊當究福神之動靜要知命盡須詳鬼煞之

旺衰

讀是篇者不可以辭害義福神者其義輕於子孫而重於原神也鬼煞者其理在於忌神而不在於官鬼也凡卜病如遇原神旺動即使用神空破伏藏者其病可痊如遇忌神旺動即使用神出現不空破者祿命當盡矣

醫藥

病不求醫全生者寡藥不對症枉死者多欲擇善者而從之須就著人而問也應作醫人空則瞶亡而不

遇子為藥餌。伏則扞格以無功。

凡卜醫藥以子孫爻為藥餌。以應爻為醫生。如子孫受傷或墓絕。或官爻生旺。是藥不對症。必不能去病。如應爻旬空。醫人非他。出不來。定用藥無效。

鬼動卦中。眼不速難取效。

占藥要鬼爻安靜無氣。若遇發動。雖有妙藥。一時難以取效。待鬼爻墓絕。日用藥方始有功。

空臨世上。心中強欲求醫。

世爻空亡。必不專心求醫。或自不相信他。雖請彼看。亦不用其藥石。

官旺福衰。藥餌輕而病重。

官爻無氣。子孫旺相。藥能勝病。服之有效。若子孫休囚。官爻旺相者。乃是藥輕病重。服之無功。

應衰世旺。病家富而醫貧。

世為病家。應為醫家。相合相生。非親則友。若應旺世衰。病家貧乏。醫必富。應衰世旺。反此斷。

父母不宜持世。鬼煞豈可臨身。

卦身與世爻皆不宜臨。官臨父遇之。則藥不效。

官化官。病變不一。子化子。藥襍不精。

此言官爻化進。神症候不一。或病勢不定。化退神反。此斷子孫乃占藥用神。如子孫化進神而藥有效。如化退神及伏吟。卦不可服此劑。

福化忌爻。誤服殺身之惡劑。

益有動則有變。變出父母回頭。來剋難傷官鬼。必致因藥傷命。

應臨官鬼防投增病之藥湯。

應臨官鬼必非良醫更來刑剋身世用神須防誤藥損人或臨忌爻或化官鬼皆不宜用此人之藥。

鬼帶日神定非久病。

鬼帶日神動出卦中者必是目下暴病若日辰雖是官爻不現卦中則不然可言其病眼下正熾必須過此方可用藥。

應臨月建必是官醫。

應持太歲必是世醫持月建日辰必是官醫更得月日臨子孫用藥神效應臨子孫乃專門醫士可托之。世下伏官子動則藥雖妙而病根常在。

大抵自占病遇鬼伏世下或占他人病遇鬼伏用爻下其病不能斷根日後恐再發也。

衰中坐鬼身臨則病雖輕而藥力難扶。

卦身雖臨衰弱之鬼纏綿難愈之象或主象身臨官墓者亦然。

父若伏藏名雖醫而未諳脉理。

卦中父動子孫不能專權因非吉然又不可無宜靜不宜動何也蓋人氣脉皆屬父母故占醫若無此爻必是草澤醫人雖然用藥而脉理未明也。

鬼不出現藥總用而莫識病源。

官鬼為病出現則易受剋制用藥有效若不上卦其病隱伏根因不知症候莫決率意用藥亦難取效。

主絕受傷虛醫難救。

主象若遇休因墓絕或變入墓絕再有剋傷者雖良醫不能救也。

父與得地。偏鵲無功。

父母發動。子孫受傷。藥必不效。若得子孫有氣。日辰動爻。剋父母。必須多服。有功。

察官爻而用藥。火土寒涼。

火土官爻。其病必熱。宜用涼藥。攻之。金水官爻。其病多寒。必溫熱之。劑治之。然火心寒。上必涼。水必熱。金必溫。等劑是也。又如火鬼在土。旺之地。又遇生扶者。必用大寒之藥。攻之。水鬼在生。旺之地。又遇合助者。須用大熱之藥。如火鬼在陰宮。陰爻。乃是陰虛火動之症。可用滋陰降火之藥。水鬼在陽宮。內卦。乃是血氣虛損之症。可用補中益氣之藥。宜通變。餘倣此。

驗福德以迎醫。丑寅東北。

凡占服藥。須看子孫何爻。便知何處醫人可治。如在子爻。宜北方醫人。丑爻東北。方醫人。類又如寅爻子

孫五行屬木。其醫是木旁草頭。姓名或

是虎命者。雖非東北。皆能醫治。餘倣此。

水帶財興。大忌魚鮮生冷。

財為飲食。資以養生。然動則生助。鬼爻反為所害。若更屬水。必忌魚鮮生冷等物。藥始見功。如值木爻。忌食動風之物。值火爻。忌炙烤熱物。值金爻。忌堅硬鹽物。值土爻。忌油膩滑物。財如不動。不可妄言。又忌鬼爻生肖物。如丑忌牛。酉忌雞。類餘倣此。

木加龍助。偏宜舒暢情懷。

青龍為喜悅之神。更臨木爻。生合世爻。主象病人必拋却家事。放寬懷抱。然後服藥有功。

財合用神。居外動吐之則痊。

則在外宮主吐。若得生合用爻。以藥吐之。則愈。

子逢火德寓離宮。灸之則愈。

子孫屬火。又在離宮。宜用熱藥療之。或用艾灸則愈。

坎卦子孫必須發汗。木爻官鬼。先要疎風。

子孫屬水。或在坎宮發動。皆宜衣紅官鬼屬木。先散風邪。用藥有效。

用吐有扶休再補。鬼衰屬水。莫行針。

用爻。休囚墓絕。必是補藥方效。若用爻得時旺相。又有生扶。合助。須用剋伐之藥治之。若再補則反害矣。

子孫屬金。利用刀針。鬼爻屬水。而用刀針。則金能生水。反助病勢。土鬼忌用熱藥。木鬼忌用寒藥。火鬼忌

用風藥。金鬼忌用九藥。

福鬼俱空。當不治而自愈。子官皆動。宜內補而外修。

占病子官二爻俱空。乃吉兆也。或俱衰靜無冲無併者。其病自愈。不用服藥。若二爻俱動。此非藥不對症。乃是神崇作禍。故曰無功。必須祈禱服藥。方得病痊。俗所謂外修內補也。

卦動兩孫。用藥須當間服。

卦有二爻子孫發動。用藥不必連服。以其分權故也。或用兩般湯藥。間服之。則效矣。

鬼傷二間。立方須用寬胸。

官鬼動來冲剋間爻。或鬼在間爻動。必然胸膈不利。須用寬胸之藥。逢兄弟發動。則是氣逆。治宜調氣。

父合變孫。莫若閉門脩養。

卦中福官衰靜。若有父母動來生合世身主象者。不須服藥。宜居僻靜。閉門脩養。

五興化福。可用路遇醫人。

如卦中第五爻變出子孫不須選醫服藥不如路遇
草醫能治若子孫不現而日辰臨子孫生合者意外
自有醫生可治也。

世應比和無福德須用更醫

世應比和卦無福德此藥無損
無益須更換醫人方可得痊

財官發動子孫空徒勞服藥

財官俱動其勢已凶
子孫又空服之無益

凡占醫藥者須誠心默禱用何人藥有效無效不
必說明姓氏卜家據此章而斷自無薦醫之弊則
誠無不格卦無不驗矣豈非彼此心安乎。

鬼神

徼福鬼神乃當今之所尚禱爾上下在古昔而皆然
不質正於易爻亦虛行乎祀典先看卦內官爻便知
鬼神情狀。

官鬼能為禍福故觀
此可知其情狀也。

旺神衰鬼方隅乾巽堪推陰女陽男老幼旺衰可決

凡鬼爻旺相是神休囚是鬼陽為神為男陰
為鬼為女乾宮西北方巽宮東南方之鬼也

若在乾宮必許天燈斗願如居兌卦定然口愿傷神

坎是北朝艮則城隍宅土離為南殿坤則土地墳陵

震恐樹神。或杖傷之男鬼。巽必縊死。或顛仆之陰人。

八卦仔細推詳。諸鬼自能顯應。

此以八卦推之。乾象爲天神。在此宮屬火。宜許點天燈。斗應類。

更值勾陳。必有土神見礙。如臨朱雀。定然呪詛相侵。

白虎血神。玄武則死於不明之鬼。青龍善願。騰蛇則

犯乎施相之神。

此以六神推之。勾陳職專田土。鬼爻臨之。乃是土神爲禍類。

金乃傷司。火定竈神。香願木爲枷鎖。水爲河泊江神。

此以五行推之。金乃刀兵所傷之鬼。旺是傷神。衰是傷鬼類。

若見土爻。當分厥類。

土鬼陰爻是陰土。陽爻是陽土。或從木化是樹頭土。臨應冲世是飛來土。若日月動變者。五方土類也。

鬼墓乃伏屍爲禍。財庫則藏神不安。

鬼爻屬金。卦有丑動。是鬼墓。妻財屬木。卦有未動。是木墓。餘倣此。

修造動土。必然煞遇勾陳。口舌起因。乃是土逢朱雀。

此亦土鬼也。如勾陳必因修造動土。以致不安。

或犯井神。水在初爻遇鬼。或干司命。火臨二位逢官。

若在門頭。須犯家堂部屬。如臨道上。當求五路神祇。

四遇世衝。鬼必出門撞見。六逢月令。神須遠地相干。

水鬼臨于初爻斷井神火鬼臨于二爻斷司命如鬼臨三爻斷家堂如臨五爻斷路頭五聖臨四爻斷出門撞崇臨六爻斷遠處染邪

鬼剋身冤家債主身剋鬼妻妾陰人我去生他卑幼兒童僧道他來生我祖宗尊長爹娘若無生合剋刑必是弟兄朋友

此以卦身推之鬼生卦身爲父母卦身生鬼爲子孫鬼剋卦身爲冤仇卦身剋鬼爲妻妾二者比和爲兄弟朋友姊妹之鬼

刑不善終絕則無祀

鬼帶刑爻必非善終之鬼當以五行所屬推其何死鬼不上卦看伏何爻下便知是鬼祟如伏父下爲家

先伏福下爲小口類

如臨日月定然新死亡靈

卦無官鬼而日辰是鬼者必然新死亡靈爲禍若日辰是鬼而卦中又有鬼是近日新許之愿未酬也

自入墓刑決是獄中囚犯

如未日占卦得木爻官鬼不墓必是死于園囿囚獄之鬼旺相發動則是廟神

旁爻財合必月下之情人應位弟生乃社中之好友

財爻動合鬼爻或財化鬼鬼化財自相作合者必與病人私通之人爲禍

化出鬼爻臨玄武則穿窬之鬼變成父母遇螣蛇則

魘魅之精

鬼動化出六親即以化出者斷如化兄為朋友兄弟
妯娌類若化鬼加玄武必是盜賊化父母是伯叔六
親加騰蛇乃其家因匠人造作魘魅以致致人
口不安父化官雖非騰蛇亦是匠人作孽

太歲鬼臨乃祖傳之舊例日辰官併是口許之初心

若太歲日辰俱官則日
下許酌祖先例未完

持世則未酬舊愿伏為有口無心變財乃不了心齋

空則有頭無尾

鬼爻持世有
舊愿宜酌類

鬼在宅中住居不穩官臨應上朝向不通

內卦第二爻為宅若動鬼臨之住宅不安常有疾病若應爻臨鬼其宅朝向不利宜改作

兌卦金龍千佛像坎官木動犯划舟

金在兌宮發動金身佛像
木在坎宮發動舟楫之象

水土交加在乾宮則三元大帝火金互動於兌卦為

五道傷官

三官天地水三官乾宮土水互化遇官爻者是也五
道乃刀劍之神在兌宮互相發動而遇官鬼者是也

三空無香火之堂怪動有不祥之禍

三爻空其家不奉香火怪爻四季月初六爻是仲月
二五爻是孟月三四爻是臨爻父母必有怪器加玄武
是盜人之物凡遇此爻動雖非鬼爻必是
怪事騰蛇又動臨鬼爻然後可言妖怪

龍遇文書獨發經文可斷

如父母獨發乃祖宗求祀
臨青龍則有善願經文

蛇逢官鬼屬陰夢寐當推

鬼臨騰蛇必有虛驚怪異若在陰宮陰象則
有夢寐冲剋世爻用爻必夢中所見神祟

動入空中值鬼恐失孝思之禮

官爻動空化空皆主先亡中有失祀禮若在
他宮外卦則是眷屬中曾有祀禮不設其位

靜居宅上臨木家停暴露之棺

本爻官鬼靜臨二爻或木鬼伏
于父母下其家必然停柩不安

卜筮正宗卷之七終

卜筮正宗卷之八

古吳洞庭西山王維德洪緒註

吳庠鍾英子燦泰訂

蔡鑑升明

謝朝柱巨材同較

任用淵潛菴

男其龍雲客

其章琢軒

門人

種作

農爲國本。食乃民天。五穀不同。孰識異宜。而佈種一年。關係全憑卦象。以推詳旺相妻財豐登可卜。

妻財爲農之本。凡古種作先。看財爻現與不現。有傷無傷。便知吉凶。然此一爻。雖不可無。亦不宜動。動則官鬼有氣。終有損耗。若變出福爻。則吉。

空亡福德損耗難憑。

子孫爲原神。最喜生旺。發動爲吉。若遇空亡。則財無生氣。官鬼當權。是多損耗。

父母交重。耘耔徒知費力。

父母爲辛勤勞苦之神。動則必主費力。收成亦減分數。

兄爻發動。年時莫望全收。

兄弟劫財。大怕發動。倘得子孫亦動。反許全熟。年時如子孫之爻衰靜。莫望全收。又主工本欠缺。

鬼在旺鄉。遇水神而禾苗滄腐。

鬼爻發動。若臨水爻。冲剋身世。禾苗必爲滄腐。更逢月建日辰動爻。生扶當有洪水橫流之災。

官居生地。加火煞而稼穡焦枯。

鬼在生旺之地。而臨火爻。動者必主缺水。冲剋刑剋。恐有焦禾殺稼之禍。若有制服。雖旱不妨。

土忌剋身。水旱不調之歲。

土鬼發動。必主水旱不調。又主里社興災。否則田禾久熟。

金嫌傷世。螟蝗交括之年。

金鬼發動。剋世主有蝗虫。若不傷身。傷世則交靜旺者。不爲害也。

木則風摧靜須穀糝生扶合世方許無虞。

木爻發動傷剋世身所種之物必遭惡風摧挫若化水爻或與水爻同發當有風潮顛沒之患木鬼不動亦主虛耗蓋木爻乃五穀主星更若福靜財衰必主秀而不實財福動空化空但是虛耗空好看之象也。

二爻坐鬼必難東作於三春五位連官定阻西成於

八月。

二爻為內卦之主五爻為外卦之主內卦有官種作時多阻外卦有官收成時多阻若二五爻日辰刑傷更看何爻受傷便知何事阻節如兄弟為口舌如官爻為官訟疾病

初旺則種子有餘四空則耕牛未辦。

初爻旺相種子有餘空則欠少四爻旺相牛必強壯衰空則無空動化出子孫或化丑爻而與應爻作合。

俱租佃他人之牛也。

應爻生合世天心符合人心。

當以應為天以世為地應爻生合世爻治田遇好天冲剋世爻則凡有所作非風即雨。

卦象疊財爻多壅爭如少壅。

卦中財爻重疊太過不宜多加壅壅財爻不空兄弟不動而遇子孫發動者多壅則多收也。

日帶父爻一倍工夫一倍熟。

父母若臨日辰或坐世上必主辛勤勞苦若非勤作決然少收蓋一倍工夫則有一倍熟也。

財臨帝旺及時耕種及時收。

凡遇財在生旺爻上不宜種作太遲遲則少收。

要知始終吉凶。但看動爻變化。

動爻變財福吉。變兄鬼凶。父化兄鬼。辛勤不熟。父化財福。辛勤有收。財化兄子。化官如則暢茂。終則空虛。兄化財官。化子先遭傷損。後必如意。若然財旺。化子孫五穀豐登也。

欲識栽培可否。分詳子位持臨。

凡卜種植。當指實種子。分占得子孫持臨身世。財爻無刑傷剋害者。此種是必多收。如官鬼持身世。或父動。或財爻動。變兄鬼。定主此種無收。

世值三刑。農須帶疾。

世為治田之人。被日辰動爻刑沖剋害。最為不利。若帶白虎三刑。農夫必然帶疾。世持官爻亦然。如朱雀恐涉是非。持兄弟必欠工本。或種作不精。持財福或得財生福。合皆大吉。

爻逢兩鬼。地必同耕。

凡卦有兩鬼出現。或鬼臨應上動。來作合。或日辰帶鬼爻合世。或被兄弟合併。皆是包攬與人合種也。

父在外爻水輔。地雖高而潮濕。父居內卦日生。田固

小而膏腴。

父母為田。在外卦其田必高。在內卦其田必低。生旺田肥。墓絕田瘦。臨木田形必長。臨土田形必短。臨火是乾旱地。臨水是潮濕地。臨金是白沙地。日辰沖剋人不顧。戀日辰生合必是好田。

父化父。一丘兩段。

卦有兩父。或化出父爻見兩重。或卦身出現重疊。皆出兩處耕種。

冲併冲。七坎八坑。

日辰動爻冲剋父爻其田必不平坦非
七高八低或六畜傷損或行人踐踏

陽象陽爻此地必然官斗則

父母在陽宮陽爻
是官田斗則也

或空或動其田還恐屬他人

父母空亡田種不成否則必非已產臨世發動其田
必有變更化入空亡或空合應爻當賣與人世臨勾
陳動亦主
田有更變

坐落胎養開闢未久

胎養言其衰弱也如父母安靜若遇衰弱之爻動來
冲者乃是新闢之田父爻自值衰弱動者亦然或是
新置者若父持太歲月建乃是祖遺產業卦無父母
從世化出自已續置若財化出者乃妻家奩田從兄

弟化出合戶之田從鬼化出官家田地不
然乃官斗則也應爻化出必是他人之田

變成福德溝洫分明

父母化出福財必然溝洫分明其地亦善其田必得
高價化兄田不值錢或未分析或與他家之田合段
若係卦身則是與人
合種化官其田不美

若是坎宮必近江湖之側

父在乾宮其田必高總在內卦亦非洼下低田父在
坎宮田必傍江河父在離宮田邊遭旱父在震巽宮
田邊必有樹木父在坤宮田在郊外田心
之田也父在兌宮田邊有官溝或近池沼

若伏兄弟乃租鄉隣之田

此指租種而言若父爻出現看父爻則知何人家之
田卦無父母須看伏在何爻如伏兄下是鄰家之田

若無父而動爻有化出者是即其人之田也如財爻化出是婦人之田餘倣此

蠶桑

既言種植合論蠶桑採飼辛若只為絲綿而養育吉凶懸惑因憑卜筮於著龜。

諸家以水爻為忌以火爻為用孰知卜蠶以子孫為益卜絲以財爻為忌卜葉以財爻為忌葉價至于水火何喜何忌之有倘財爻臨應或合應或與動爻相合之財皆為養蠶婦女非絲非價也宜通變。

初論子孫得地則蠶苗必利。

凡占蠶獨以子孫為用如子孫旺相得地無刑冲剋害必蠶苗盛利也。

次憑財位當權則絲繭多收。

凡占絲繭獨以財爻為用如財爻旺相有生合無剋冲自然絲繭多收。

福德要興更喜日辰扶助。

子孫為蠶身也旺相發動必興旺若衰弱偶得日辰動爻生扶拱合大吉之象惟怕父爻及日辰傷剋有損。

妻財怕絕尤嫌動象刑冲。

凡占絲綿如財爻休囚死絕或日辰動爻刑冲剋害必無好繭亦無好絲得生旺有氣不受傷剋大吉也。

兄弟臨身葉費而絲還微薄。

卦身如臨兄弟必主多費桑葉剋世傷世必然缺飼絲綿少收。

父母持世心勞而蠶必難為。

父母爲子孫之忌神若臨身世雖或安靜必費收拾倍加勤勞然後可望故言蚕必難爲日月不宜值之五行如遇官爻必遭傷損。

官鬼發動屬金主有霧露以致蚕多殞死屬木主門窓不謹蚕冒風寒屬水土主食濕葉以致蚕瀉屬火剋世須防火災不然火倉太熱不通風氣屬土寒煖失宜飼葉不勻眠起不齊或分檯遲緩致蚕沙發熱蒸傷等類。

一卦皆無鬼煞方始亨佳。

凡卜蚕事一卦無官眠眠無變故云亨佳。

日主冲身切忌穢人入室。

遇日辰相冲身世或應爻動剋須防穢汚人帶魔入室觸犯蚕花以致變壞。

妻財合應必然汚婦臨蚕。

妻爻爲養蚕婦臨太歲財爻必是贖家化子孫必然精製化父母難爲蚕苗化官鬼有病財爻化兄弟墓絕蚕姑當有大難臨子孫胎或化了孫胎必有孕苦與鬼爻應作合者蚕婦必與外人有情遇有冲剋其事已露。

子受暗冲每遇分擡須仔細。

子孫爲蚕身出見不動而破口辰動爻暗冲者主分擡時不加仔細恐傷損。

財無傷剋凡占葉價必騰貴。

獨占葉價貴賤惟重財爻若遇動爻日辰相生後必葉貴或財衰無氣或化八墓絕皆主葉賤兄弟八空亡絲番白雪。

如遇兄弟死絕空伏不動利有所望獨占
絲必好獨占葉必貴獨占蚕反不旺也

福身臨巳午繭積黃金

凡養春蚕在清明後收蚕苗立夏後收絲繭此時春
未夏初最宜子孫臨巳午二爻巳午者言其旺相也
若子孫與財會局大吉之兆

父動化財不枉許多辛苦

父動剋子此非吉兆如化財爻回頭剋制
不能傷剋子孫矣故曰不枉許多辛苦

官興變福亦遭幾度虛驚

官鬼發動育蚕必有損耗若化子孫回頭剋制庶幾
無事然亦有虛驚如買出火蚕養比白收蚕苗更幻
卦出乾宮若養夏蠶偏吉利

蚕有春蚕夏蚕春蚕者俗名頭蚕也清明後收蚕苗
立夏後收絲繭夏蚕者俗名二蚕也芒種後收蚕苗
夏至後收絲繭此時夏火炎炎如得子孫爻屬水反
吉因乾兌二宮子孫屬水故曰若養夏蚕偏吉利

母居刑地如言蚕室定崩摧

蚕居以父母論生旺有氣修治整齊死絕刑害崩摧
破敗帶水自刑蚕室必漏水化父爻化水皆作前斷

蠶親獻功三合會財局而旺相卦宮定位六爻隨動

靜以推詳

卦有三合最怕會成父官局大為不利蓋會局之爻
不論四時皆為旺論如會父局則傷子孫如會鬼局
則傷兄弟兄弟乃子孫之原神也故占
蚕得三合則福二局可作十分吉斷

六畜

道形萬物理總歸於一心易盡三才占豈遺乎六畜

惟能精以察之自得明而著矣

凡占六畜不可以其本命論之當以指實一畜而卜以子孫爻為用神以財爻為身價斷之

命在福神若遇興隆須長養

禽虫六畜之命皆屬子孫旺相有氣不空必然長養易大休囚墓絕決然不濟若不上卦或落空亡皆不可

利歸財位如逢囚死定輕微

大抵此占惟牛馬為力其他為利而占然力與利同歸財爻如逢休囚墓絕財利必薄氣力不多旺相方為大吉

二者不可相無一般皆宜出現

無福則難養無財則利少財福不空俱出現六畜相宜

財旺福衰雖瘦弱而善走財空福動總遲鈍而可觀

凡占牛馬等物子孫爻旺相主肥休囚主瘦動則強健財爻旺相則主有力又主善走後亦有力

財若空亡雖利暫時無遠力

財爻發動但不宜化入空亡必無久遠力

福臨刑害若非麟鼻定凋絕

子孫爻帶刑敗等爻其畜主有破相麟音葉缺齒也

相合相生必主調良且善相冲相剋定然頑劣不馴

子孫生合世爻六畜馴善于我有益若來形冲剋害必主性劣不馴

要知蹄足身形須看臨持八卦欲別青黃白黑須參

生剋六神

乾為頭坎為耳震為前足艮為後足巽為腰離為目坤為腹兌為口青龍色青白虎色白朱雀色赤玄武色黑勾陳騰蛇色黃凡古以子孫所臨為本身顏色以他動來生剋者斷別處有異色如子孫臨玄武在乾宮而被坤宮動剋之乃是黑身黃足若被艮宮白虎動剋可言黃身白足他做此凡剋處多于生處衰處少于旺處自宜通變

陰陽有雌雄牝牡之分

禽曰雌雄獸曰牝牡以子孫屬陰屬陽如陽爻子孫占午為牝占馬為雄之類也

胎養為駒犢羔雛之類

馬子曰駒牛子曰犢羊子曰羔雞鴨子曰雛凡遇子孫之胎養臨于世爻上必是此類

身坐子胎必是受胎之六畜

如子孫之胎爻臨于身爻上則是有胎之畜化出胎爻亦是

福臨鬼墓須知有病於一身

福臨鬼墓畜必有病或被鬼冲皆主有病也

父動有傷子絕則徒為勞碌

父母發動則傷子孫六畜必有損失更子孫受絕無氣必主死亡牧養亦徒勞碌

兄興不長福興則反有生扶

兄弟發動六畜不長若得子孫亦動
財爻則反叨其生扶主易養利厚

世若空亡到底終須失望。

世爻空亡必不稱意
畜之亦有始無終

逢金生旺當慮齒人值土交重須憂病染

金鬼發動有蹊脾之患若剋世爻必難觸犯世爻更
絕必被傷人木鬼發動土有結草之病水鬼發動主
有寒病火鬼發動必主畏
熱土鬼發動須防瘟病

官加蛇雀必因成訟成驚

口帶螳蛇發動異日此畜必有怪異驚駭若臨朱
雀必致口舌爭訟臨玄武防偷盜臨白虎防跌蹶

子變兄財可驗食粗食細

子孫化出兄弟主口嬌食
細化出財爻主食粗口襍

財連兄弟乃芻豢之失時

子化兄是口嬌不食財化兄乃人
之豢養失時以致飢餓非不食也

子化父爻必勞心之太過

子孫發動其畜必良若化父回頭來
剋是人愛惜過勞其力以致于傷

福連官鬼須防竊取之人鬼化子孫恐是盜來之畜

子孫化鬼日後必被人盜否則病死若官化子
恐人盜來者生合世必有利沖剋世必有害

官兄交變難逃口舌之相侵

卦中鬼變兄或官兄俱動
必因此畜起是非口舌

日月並刑。豈免死亡於不測。

日辰月建動爻俱來刑剋子孫不免病死。

若占置買亦宜福動生身。

凡占置買六畜子孫發動出產必多要來生合世爻必然好買易成與世冲剋定難置買。

若問利時最怕財興化絕。

財爻出現不空有氣持世生合世不受傷剋不變兄鬼即為有利或化絕化剋皆主無利。

或賭或鬪皆宜世旺財興。

此人好鬪鷄鵝雞羊南人促織黃頭凡遇占此要世爻有氣剋應子孫發動即是我勝得月建日辰動爻刑剋應爻亦勝若世破應剋子孫空伏官鬼發動日月動爻反來刑剋必是他勝。

或獵或漁總怕應空福絕。

凡古漁獵要應生世福神旺相生合世身為吉倘或空絕不能得意。

乳抱者宜胎福生旺而無傷。

凡占畜養母猪羊要胎福二爻生旺不受刑剋便無損害。

醫治者要父官衰絕而有制。

六畜有病占醫治療要子孫旺相有氣不遭刑剋而父母官鬼休囚墓絕或雖動而有制者無妨。

求名

書讀五車固欲致身於廊廟胸藏萬卷肯甘遜跡於丘園要相國家當詳易卦父爻旺相文成擲地金聲

鬼位興隆家報泥金喜捷。

凡占功名以父爻為文章鬼為官職二者一卦之主傷一則不成若父爻旺相文章必佳官鬼得地功名有望泥金喜報總言金榜題名功

名成就之意非以鬼為音信也

題名。

惟卜功名以財福反為惡煞蓋財能剋父子能剋鬼故也如財爻持世若得官動來生而則無忌也子孫忌客

兄弟同經乃奪標之惡客。

同類者為兄弟求名見之乃是與我同經之人如遇發動或月建日辰俱帶兄弟則同經者多必能奪我

之標總大象可成名亦落爻

曰辰輔德實勸駕之良朋。

如父母官鬼無氣若得日辰扶起剋制惡煞仍舊有望故曰輔德或世爻衰靜空亡得日辰生扶冲實主有親友資助盤費

捕其前往求名也

兩用相冲題目主疎而不熟。

以官父為用爻喜合而不喜冲若

見官父相冲主出題生澁不熟也

六爻競發功名恍惚以難成。

六爻皆喜安靜止要父母官鬼有氣不空月建日辰不來傷剋則吉凡動則有變變出之爻又有死墓絕空刑剋等論皆為破敗故凡亂動卦其大槩不吉可知矣

月剋文書程式背而不中。

父旺而得動爻日辰生合其文字字錦繡妻財傷剋必多破綻月建冲剋其爻必不中試官之程式也。

世傷官鬼仕路窒而不通。

世乃求名之人若持官鬼或得官鬼生合功名有望若臨子孫則剋制官鬼是仕路未通徒去求謀無濟。

妻財助鬼父爻空可圖僥倖。

父母空亡若得財爻發動生扶官鬼僥倖可成若財官兩動而父爻旬空反不宜也父爻不空有望。

福德變官身位合亦忝科名。

正卦無官若得子孫變出官鬼與世身生合得文書有氣功名有望但不能高中。

出現無情難遂青雲之志。

卦中官爻若不臨持身世而反臨應爻或發動而反生他爻不來生合世身或破壞墓絕皆謂出現無情雖在卦中與我無益所以難遂青雲之志也。

伏藏有用終辭白屋之人。

官爻不現但觀其所伏何處如得有用之官爻俟值年當辭白屋矣。

月建剋身當被責財如生世必幫糧。

月建若在身爻發動刑剋世爻而官父失時者必遭杖責卦中官爻持世而財爻發動生合世爻者必有幫糧之喜。

父官三合相逢連科及第。

卦有三合會成官局者必主連科及第會成父局亦吉。

龍虎二爻俱動一舉成名。

青龍白虎俱在卦中動來生合世爻必中魁選若持官父或持身世尤妙。

殺化生身之鬼恐發青衣。

以子孫為煞乘旺發動必遭斥退若得化鬼爻生世終不脫白無過降青衣而已卦有財動合住子孫可用資財謀幹能復舊職。

歲加有氣之官終登黃甲。

太歲之爻最喜有情若臨鬼爻是人臣面君之象更得生旺有氣必然名姓高標。

病阻試期無故空臨於世位。

動爻日辰來傷世爻而世爻落空大凶之象試前古去不成強去終不利輕則病重則死。

喜添場屋有情龍合於身爻。

若大象既吉更得龍動生合世身不但名成必然別有喜事空動出空之月日見喜。

財伏逢空行糧必乏。

六爻無財伏財又居空地必乏行糧盤纏欠缺。

身興變鬼求試方成。

卦遇不成之兆而得身世爻變官鬼有氣而父母不壞者下科可中也。

卦值六冲此去難題雁塔爻逢六合這回必占鰲頭。

占功名得六冲卦必難求六合卦必易得也。

父旺官衰可惜劉蕡之下第父衰官旺堪嗟張翼之

登科。

父母官鬼皆宜有氣無損功名可成若父父旺相官鬼空亡或不上卦文字雖好不能中式如劉蕡之錦繡文章竟不登科也若父父衰弱得官父旺動扶起文書文字雖平常可許成名如張奭之文章雖大精美及登高第也

應合日生必資鶚薦動傷日剋還守雞怨

父官化絕名必不成若應父動父或月建日辰扶起官鬼必須免人推薦或用財買求可成

世動化空用旺則豹變翻成蝴蝶。

若得必中之卦如遇世父發動變入墓絕恐名成後不能享福游魂死于途中歸魂卦到家而死墓絕是八歲踰年而死也

身官化鬼月扶則鵬程連步蟾宮

卦身為事體功名尤宜看之怕臨財福如得官爻臨之必有成望更若發動化官爻而得月建生合者必主連科及第

更詳本主之爻神方論其人之命運。

本主者本人之主爻也自占以世爻論占子姪看子孫爻類此爻最怕傷剋變壞如此搜索吉凶自應雖賦數言總論窮通之得失再將八卦重推致用之吉凶。

仕宦

為國求賢治民之本致身輔相祿養為先旺相妻財

必得千鍾之粟。興隆官鬼。定居一品之尊。

未仕求名。不要財。父已任貴人。要見財。父蓋有爵。必有祿。未有無俸而得官者。故凡占官員得此爻。旺相俸祿必多。若財爻休囚。或空或伏。未得俸祿。財動逢冲。因事減俸。或日辰月建冲財。而刑害世爻。及官爻者。恐有停俸罷職之患。官鬼旺相。官高爵大。休囚死絕。官小職卑。若發動生合世爻。或得月建日辰生扶。必有陞擢。

子若交重。當慮剝官削職。

子孫若在卦中發動。所謀必不遂。意已任者。恐有褫職之禍。

兄如發動。須防減俸除糧。

兄弟發動。不免費財。多招誹謗。如與子孫同發。或化子孫。必有除糧減俸之事。持身臨世。皆不吉利也。

父母空亡。休望差除官勅。

父母爻為印綬文書。詰牒宣勅。奏疏表章。卦中不可無宜旺不宜衰。扶世最吉。若持太歲。有氣生合世爻。主有朝廷宣召。如加月建。乃上司獎勵之類。若空亡。則休望也。

官爻隱伏。莫想爵位陞遷。

官爻臨持身世。或動來生合世爻。不受月建日辰冲剋者。凡有謀望。必然稱意。

月建生身。當際風雲之會。歲君合世。必承雨露之恩。

太歲乃君象。月建是執政之官。若得生合世身。必有好處。惟怕冲剋世身。必遭貶謫。如月建扶出官爻。世爻者。必是風憲之職。太歲加父母扶出官爻。及世爻者。必有天恩。更得生旺尤美。

世動逢空。官居不久。

若是出巡之職世動逢空反利已任
遇日辰動爻相冲必不久任政事

身空無救命盡當危

世臨無救之空不拘已任未任必有大
難甚至死亡若欲求謀幹事則主不成

鬼化福冲當代職

出巡官宜鬼爻發動牧守官宜宜爻
安靜若鬼動化子必有別官替代

財臨虎動必丁憂

凡古官不可無財亦不可發動若鬼爻無氣而得財
動扶起必須用財謀幹方得陞遷若父母衰弱而遇
此爻加臨白虎旺動
者必有丁憂之事

日辰冲剋定然誹謗之多招

日辰刑冲剋世必招誹謗依五類推之如帶兄弟因
貪賄賂或徵科太急帶財爻因財賦不起帶子孫
酒好游怠於政事帶父母因事繁劇不能料理帶官
鬼非酷刑則同僚不協若世臨月建雖有誹謗不能
為害

鬼煞傷身因見災殃之不免

官鬼動來生合世者為用神如動來剋傷世爻者為
鬼煞生扶合世必有進取之兆刑冲剋世必有凶禍

兄爻化鬼無情同僚不協

兄弟為僚屬卦中鬼動化出兄弟冲剋世爻主同僚
不和或兄弟刑害傷世皆然世剋兄爻是我欺他也

太歲加刑不順貶責難逃

太歲動傷世爻必遭貶責更加刑
害虎蛇必有鎖鈕擒拿之辱也

卦靜世空。退休之兆。身空煞動。避禍之徵。

已在世爻空亡。若六爻安靜。日月歲君來傷。乃是休官之象。若動鬼同日月歲君傷剋世爻者。如世爻旬空。急宜避之。可免禍也。

身邊伏鬼。若非空頭上烏紗。終不脫。

或得鬼爻臨身持世。或本官鬼伏世下。雖見責罰。官職猶在。若不臨持身世。或不伏于世下。或雖伏仍遇空亡者。必遭黜革。

財空鬼動。聲名震而囊篋空虛。

凡得官動生台世爻。日月動變。又無沖剋者。爲官必有聲名聞望。更得財爻生扶合助。則內實貪賂。外不喪名。若財爻空伏死絕。聲名雖有。賄賂却無也。

官旺父衰。職任高而衙門冷落。

父母旺相衙門必大。休囚則衙門必小。若官旺父衰。又非小職。乃閑靜冷落衙門。官父俱衰。職卑衙小。

職居風憲。皆因月值官爻。

官鬼不臨月建。定非風憲之職。若臨月建。又得扶出世爻。決是風憲之任。必非州縣之官。如帶白虎刑爻。主鎮守邊陲。職掌兵權。

官在貳司。只爲鬼臨傍位。

官臨子午卯酉。是正印官也。官臨寅申巳亥。乃佐貳職。官臨辰戌丑未。乃簿職。官如臨月建日辰。乃掌印之官也。

撫綏百姓。兄動則難化愚頑。

凡在牧民之職要財爻旺而不動父母扶而不空方是善地若財爻空絕父爻受制則地瘠民貧父母動臨世上政必繁劇兄弟持世財賦不起或貧民難治

巡察四方路空則多憂驚怪

欽差出巡怕世應逢空若世在五爻空須防日月刑剋恐途中有患難莫測之禍耳

出征勦捕福德興而寇賊殲亡

凡任將帥之職或征討之官平居卜問不宜子孫發動主有降調貶謫如臨卜問則喜子孫發動必成勦捕大功更得歲君月建生合世爻主有陞賞官鬼不作爵位當作寇賊論世剋應亦吉

鎮守邊陲卦爻靜而華夷安泰

鎮守地方不拘文武官職皆宜六爻安靜日辰月建不相冲剋則安然無驚若遇官鬼發動世應冲剋必

多侵擾皆通變推之

奏陳諫諍那堪太歲刑冲

凡欲奏對陳疏上章諫諍及赴召面君類皆忌動爻冲剋亦忌太歲刑剋世爻皆太歲月建生合世爻必見兪允如來冲剋須防不測之禍

僧道醫官豈可文書發動

僧道醫官皆以子孫為用如文動則傷僧道醫官則用藥不靈反為不美王世則吉剋害刑衝須防是非但隨職分以推詳可識仕途之否泰

卜筮正宗卷之八終

卜筮正宗

卷之八

十卷五十六卷之八錄
 畢蘭卿公以...
 用...
 餘...
 與...
 事...
 其...
 表...
 而...

下筮正宗卷之九

古吳洞庭西山王維德洪緒註

吳庠鍾英子燦叅訂

蔡鑑升明

謝朝柱巨材同較

任用淵潛菴

男其龍雲客

其章琢軒

門人

求財

居貨曰賈。行貨曰商。總為資生之計。著所以筮龜所以下。莫非就利之謀。要問吉凶。但看財福。

財為本。福為利。二者不可損壞。卦中子孫之爻。稱曰福。

財旺福興。無間公私。皆稱意。財空福絕。不拘營運。總違心。

財爻旺相。子孫發動。不拘公私之謀。皆得稱意。或傷剋。或臨墓絕。無救。不拘買賣。皆違心之所願。

有福無財。兄弟交重。偏有望。

有者言其發動之意。無者言其伏藏之意。凡卜求財。卦中子孫爻動。而無傷。則財源豐厚。固吉。如再見兄弟爻發動。牛扶子孫。則財愈加。根深蒂固。故曰兄弟爻重。偏有望。皆為子孫亦動也。

有財無福。官爻發動。亦堪求。

子孫藏伏。財無生氣。一遇兄弟。便被劫奪。須得卦中官爻發動。或曰辰是鬼剋制兄弟。亦可求謀。如有子孫而官鬼動。則有阻滯。反不易矣。

財福俱無。何異守株而待兔。

有財無福。財必艱難。豈可財福俱無。守株待兔。喻妄想也。

父兄皆動。無殊緣木以求魚。

父母能剋子孫。能生兄弟。父兄皆動。猶如緣木求魚。言必不可得也。

月帶財神。卦雖無而月中必有。

月建為提綱。若帶財爻。雖正卦無財。而伏財亦明。月建拱扶所伏之神。值日必有得也。

日傷妻位財雖旺而當日應無。

財爻旺相生合持世乃是必得之象。若被日神剋制須過此日然後可得。

多財反覆必須墓庫以收藏。

卦中財現三五重爲太過其財反覆難求須有財之庫爻持世身謂之財有收藏必得厚利也。

無鬼分爭又怕交重而阻滯。

無鬼兄必專權財雖有氣亦多虛耗兄更發動必有爭奪分散財物之患官鬼又不宜動動則必有阻隔。

兄如太過反不剋財。

兄弟乃占財忌煞日月動變俱帶兄弟重疊太過二兄子孫發動反不剋財其利無窮子孫安靜多不吉。

身或兄臨必難求望。

卦身一爻占財體統若持兄不拘作何買賣問何財物皆無利益兄弟持世亦然。

財來就我終須易我去尋財必是難。

財爻生合世爻持世剋世皆謂財來就我必然易得若財爻而與世爻不相干者謂我去尋財必難望也。

身遇旺財似取囊中之物世持動弟如撈水底之針。

世爲求財之人若臨財爻雖或無氣必主易得旺相更美若臨兄弟雖或安靜亦主難得發動尤甚。

福變財生穰穰利源不竭。

占財得子孫發動利必久遠更兼財爻生合世身乃綿綿不絕之象儘求儘有財化子亦然。

兄連鬼剋紛紛口舌難逃。

舊註言兄弟變官鬼來剋世是有口舌紛紛予以爲謬大凡卦中兄弟動剋世爻化官鬼回頭剋制則不

能口舌損耗矣予之屢驗者卦中官鬼兄弟皆發動固
有口舌是非兄連鬼剋者此謂兄弟與官鬼也非謂兄弟化
官鬼也

父化財必辛勤而有得

父化財不能自然而得必勤勞可有兄化財先散後聚
或利子後不利子前官化財交生合世身最利公門
謁貴及九流藝術之人求財十分有望如官來剋世謂
之助鬼傷身公私皆不吉也

財化鬼防耗折而驚憂

財化官或化兄最凶主損折駁耗更見世爻有傷恐因財致禍

財局合福神萬倍利源可許

卦有三合會成財局而在卦中動來生世主財利綿
綿不竭更得財旺可許萬倍財利會成福局動求生

合世爻者亦然

歲君逢劫煞一年生意無聊

凡占久遠買賣最怕太歲臨持兄弟主一年無利持
官鬼一年驚憂持父一年艱辛持財福一年順利也

世應二爻空合虛約難憑

世空有財難得應空難靠他人世應俱空謀無準實
空動帶合謂之虛約化空亦然

主人一位刑傷往求不遇

主人如求貴人財鬼為主求婦人財財為主類若主
爻遇日辰動爻刑剋或自空或化空皆主不遇遇亦

不利

世持空鬼多因自己遲疑

鬼爻持世財必相生凡求必易若遇空亡乃自不上前遲疑退怯故無成也世持空財亦然

口合動財却被他人把住

財爻動來生合固是易得之兆若被動爻日辰合住其財必有人把持不能與我要知何人把持以合爻定之如父母各住為尊長把持類要知何日到手必待逢冲之日方可有也

要知何日得財不離旺衰生合

財動入墓或被合皆待冲口得或動財遇絕必待生逢冲日得旬空出旬逢冲日得旬空出旬得伏藏出現日得

欲決何時有利但詳春夏秋冬

凡占貨物何時得價不可槩以財臨五行斷之如木財斷春冬得價又宜以冲待合合待冲絕逢生墓待

開等法斷又宜以子孫爻斷又如財坐長生之地一日得價一日若坐帝旺目下正及時遲則賤而無利

合夥不嫌兄弟

凡占合夥買賣若世應俱財爻必然稱意兄臨卦身必至分財故也靜者無嫌動則不宜

公門何慮官爻

占財皆忌官動主有阻隔惟求公門之財必然倚托官府必得旺相生合世身則吉刑剋世爻禍害立至

九流術士偏宜鬼動生身

九流求財以鬼爻為主顧出現發動生合世爻必然稱意忌刑剋世爻

六畜血財尤喜福興持世

凡卜販賣生口蓄養六畜皆要子孫旺相持世臨身則吉父母發動則有傷損化出土鬼須防瘟死福旺

財空六畜雖好而無利

世應同人放債必然連本失。

比放私債最忌世應值兄弟必無討處財交更絕連本俱無世應值空亦然。

日月相合開行定主有人投

開行人占財世應要空財福要全備官鬼要有氣父兄要哀靜斯為上吉更得月建日辰動爻生合世爻則近悅遠來財利必順動出官兄常有是非口舌應空主開不成應落空亡索借者失望。

求索假借不宜應空空則不實必得物爻不空綴圖庶可有望如衣服經史看父母六畜酒器看福爻其餘財物食物皆看財爻。

世遭刑剋賭博者必輸

用占賭博要世旺應衰世剋應我勝應剋世他勝兄鬼動來刑剋世爻或臨兄弟或世爻空皆主不勝世應靜空賭博不成世坐官爻防他合謀。

鬼剋身爻商販者必遭盜賊。

買賣經商若遇官臨玄武動來剋世必遭盜賊之禍。

間興害世置貨者當慮牙人。

買貨要應爻生合世位必然易成刑剋世必難置物爻太過貨多物爻不及貨少空伏貨無物爻者六畜看子五穀看財爻類最怕兄鬼交重須防光棍詭騙在間爻傷剋世爻當慮牙人謀劫財物出路買貨應空多不順利。

停場者喜財安而鬼靜

積貨不宜財動動恐有變亦不宜空空恐有更官鬼
皆動與災作禍莫測即如父母化官鬼刑剋世爻貨
被雨水渰腐故場貨者宜

六爻安靜惟子孫喜動

脫貨者宜財動而身興
財動則主易脫世動亦主易賣也如財在外動生世
宜往他處賣如在內動生世就本地脫之可也倘財
爻持世有子孫爻在外動亦
宜往他處脫學者宜通變

路上有官休出外

五爻為道路臨官發動途中必多驚險不宜出外要
知有何災咎以所臨六神斷如白虎為風波玄武為
盜賊類

宅中有鬼勿居家

二爻為住宅在家求財鬼動此爻必然不利以所臨
五行斷火鬼忌火燭類得子孫持世發動庶幾無害
如無子孫發動宜
遷移店鋪可解

內外無財伏又空必然乏本

動變無財又伏空地其
人雖欲經營必無資本
父兄有氣財還絕莫若安貧

父兄二爻有氣恐防折本
故不若安貧守分為高也

生計多端占法不一但能誠敬以所求自可預知其
得失

家宅

創基立業雖本人之經緯。開風斂氣。每由宅以肇端。故要知人宅之興衰。當察卦爻之內外。內爲宅外爲人。詳審爻中之真假。

內者內卦也。內卦第一爻爲宅舍外者。外卦也。外卦第五爻爲人口。凡占家宅。最重者宅舍人。日財官父。兄子世應。日辰月建。歲君。凡內卦二爻。尅五爻。謂宅去尅人凶。或外卦五爻。尅二爻。謂人來尅宅吉。或內卦二爻。生五爻。謂宅去生人吉。

合爲門。冲爲路。不論卦內之有無。

合二爻爲門。冲二爻爲路。卦爻內不必明。現冲合。且如天風姤卦。二爻辛亥。水爲宅。寅與亥合。以寅爲門。

巳亥相冲。以巳爲路。卦內本無寅。巳二爻。姤屬金。以寅木爲財。己火爲鬼。寅爲財。卽是門利。己爲鬼。卽是路不吉。餘倣此。

龍德貴人乘旺。嶽嶽之侯。門官星父母長生。潭潭之相府。

龍者青龍也。德者年月日建。謂之德。官星卽官鬼也。貴人卽入乙貴人也。如青龍文書官鬼貴人。臨年月日建。臨宅臨身。臨令主有官職之家也。

門庭新氣象。重交得合青龍。

交重青龍不空。在日辰旬內得生旺。主鼎新創造。倘值休囚。主修舊合新。門之象。臨財新修。舊厨臨父新修。舊堂臨兄新修。門戶臨子新修。房舍臨官新修。廳堂屋宇。

堂宇舊規模宅舍重侵白虎

白虎交重休囚空絕主
遠年遷造破舊不整

土金發動開闢之基父母空亡租賃之宅

土化金金化土為開闢之基父母為房屋逢空無氣
更逢應爻日辰動爻化文書與宅相生相合主是租
賃之地

門庭熱鬧財官臨帝旺之鄉

財鬼龍德貴人乘旺長生之位
臨宅生命世爻主家庭熱鬧

家道興隆福祿在長生之地交重生剋重新更換聽
堂。

福即子孫祿即妻財在生旺之位臨宅臨人生身生
世主家道興隆第二爻發動或生或剋主改造廳堂
世應比和一合兩般門扇

比和者兄弟也或臨兄弟或世應化兄弟
或臨宅爻或合宅爻主一合兩般門扇

門路與日辰隔斷偏曲往來宅基與世應交臨互相
換易。

且如巽卦辛亥水為宅以寅合為門日辰與動爻如
臨子子與寅虛有止字隔之如臨辰辰與寅虛有卯
字隔之謂之隔門又如巳沖亥為路日辰與動爻臨
照卯與巳虛有辰字隔之如臨未未與巳虛有午字
隔之謂之隔路如遇
隔斷者門路曲折也

世與日辰剋宅破祖不寧

世爻與日辰同去剋宅爻主破祖不寧

宅臨月破剋身生災不已

月破之爻動剋世爻及身命爻主生災不已

應飛入宅合招異姓同居

應臨之爻與宅爻相同謂之應飛入宅主有異姓同居

宅動生身決主近年遷徙

宅爻動來生世生身必主近年遷徙

門逢三破休敗崩頽

一破為年月日冲破也如臨兄弟主門戶破墻垣毀臨子財主房舍廂廊烟厨破壞頽也

宅遇兩空荒閑虛廢

如宅爻在日辰旬之空又在當家本命旬之空主荒閑虛廢或是逃亡死絕之屋

世臨外宅離祖分居

宅爻與正卦世臨之爻相同或與變卦世臨之爻相同如明夷卦二爻已丑為宅世臨四爻為世臨外宅餘做此動則離祖分居不動則主偏宅

應入中庭外人同住

應臨之爻與宅臨之爻相同者是又如剝卦井卦應臨宅爻亦為應入中庭或外人同居日辰同臨為寄居也

宅合有情之玄武門庭柳陌花街木臨無氣之騰蛇

宅舍茅簷蓬戶。

宅爻合立武。又逢沐浴爻動。主女人淫慾如花街柳陌人也。騰蛇木爻死氣臨宅。主瘡癰繩樞之地也。

鬼有助而無制。鬼旺人衰。

如納音木命人。占乾兌卦。以火為官。木能生火。謂之本命助鬼。若卦體無水生。命又謂鬼無制。主人衰鬼旺。若金命人。助離宮水鬼。水命人助坤宮木鬼。火命人助坎宮土鬼。類。

宅無破而逢生宅興財旺。

歲月日三破不臨宅爻。更逢三件動爻。生宅爻與財爻。旺相有氣。為宅興財旺。

有財無鬼耗散多端。

若無鬼爻。則兄弟無制。恐兄弟當權之時。財物破散。妻官亦有駁雜也。

有鬼無財災生不已。

鬼不宜動。財不可無。若官鬼動。剋世爻。剋宅爻。主連生災咎。

有人制鬼鬼動無妨。

且如木命人。占得坎卦。其以土為鬼。木命人剋土。鬼金命人則制坤宮木鬼。但以本命剋鬼。為制。乃無害也。

助鬼傷身財多何益。

如金命人。占得乾卦。以火為鬼。以木為財。木能生火。火能剋金。有時為助鬼傷身。總然財多無益。

忌鬼爻交重臨白虎。須防人眷刑傷。

忌鬼爻併白虎發動。沖剋何納音命。即指其人有災殃。

催屍煞身命入黃泉。大忌墓門開合。

鬼動剋人命為催屍煞人命逢死絕為黃泉路是人
命爻冲合墓爻日辰動爻冲合墓爻為墓門開合凡
卦中必見鬼
墓爻便是

木金年命最嫌乾兌卦之火爻

木金年命人不得乾兌卦之火鬼木命生火
謂之助鬼火鬼剋金為傷身金爻木命皆然

水火命人不怕震巽宮之金鬼

凡本命納音是水火占得震巽卦金鬼金能生水
火能剋金故水火命人不怕震巽二宮之鬼也

官星佩印居上堂乃食祿之人

若有官有貴有祿有印并太歲
生身命登金門而步玉堂之人

貴刃加刑控寶馬必提兵之將

貴貴人刃辛刃刑三刑貴人同吉星相輔刃加三刑
臨貴人之位受太歲之生旁爻有馬乃提兵將帥也

財化福爻八公門多致淹留

官爻持世財來生吉也化福則財倍有力更吉也倘
財爻持世化子孫反生他爻之鬼凡仕宦公門之人

反不利也

貴印加官在仕途必然遷轉

官爻帶貴人臨世併日辰旬中
發動在仕途必有遷轉之喜兆

子承父業子有跨竈之風

子命爻臨五爻之位相生相合主子有跨灶之
風相剋相冲主悖逆不肖不克紹箕裘之業

妻尊夫權妻有能家之兆

妻命臨夫五爻之上與夫相生相合得內助能家之兆若妻剋夫爻主妻凌夫或破夫家也

弟姪乃兄之臂身命相傷

弟爻起臨兄之命爻或兄爻起臨弟之命爻若刑剋主不友不恭若生合主兄弟怡怡如也

婦偕姑婢之爻家聲可見

二為媳婦之爻與姑之命爻相刑相冲主凌上悖逆不孝相生相合主能敬順盡婦道也

妻犯夫家之煞妻破夫家

妻命臨月破兄弟加白虎發動主破夫家

夫臨妻祿之爻夫食妻祿

如妻年甲子生祿在寅夫命臨之生旺有氣者主夫食妻祿若逢午刃空鬼耗破駐食妻祿亦無用矣

交重兄弟剋妻身再理絲絃

兄弟之爻發動剋傷妻命或夫命臨兄弟動主琴瑟再續也

內外子孫生世位多招財物

內外子孫發動生命世之財爻必多招財物也

世為日辰飛入宅鳩踞鵲巢

世併日辰與鬼飛入宅爻主他人之屋或租賃之宅如大過卦內巽辛亥為宅外兌丁亥持世發動是也

應臨父母動生身能生蛇腹

應臨父母之爻占者命爻臨之得應爻生之或動生子命主婢生瘕出或前後父母所生身命俱臨父母

必主重拜雙親

世應隔異兄弟多因兩姓。

如晉卦巳酉兄弟持世乙未臨應隔甲字又如遯卦應臨壬申金世持丙午火有未隔斷但申爻是本宮兄弟是真兄弟或日月建動爻隔斷亦依此斷餘皆倣此。

應爻就妻相合外人入舍為夫。

應爻飛入宅與妻命生合主招外人入舍為夫。

假宮有子飛來異姓過房作嗣。

假如子孫在假宮飛來伏在身命爻下主有異姓過房之子本宮飛動應爻過房與人也。

妻帶子臨夫位引子嫁人。

妻命帶子孫動臨夫位并日辰主妻引子嫁來是也。

夫身起合妻爻將身就婦。

世爻動臨妻命爻或自命爻動臨合妻命爻定然將身就婦也。

本命就中空子見子應遲。

子孫在命旬之空主得子遲。

身爻合處逢妻娶婚必早。

夫身爻起合妻之命爻娶妻必早妻身爻起合夫之命爻嫁嫁無遲。

夫婦合爻見鬼婚配不明。

夫合之爻妻合之爻見鬼主婚配不明但有合爻見鬼是也。

子孫絕處刑傷兒多不育。

子孫逢絕更受刑傷剋害主子多不育難招

夫妻反目互見刑冲兄弟無情互相凌制。

夫身爻并日辰動刑妻命主夫不和妻妻身爻并日辰動刑夫命主妻不和夫或妻命冲夫身或夫命冲妻身主夫妻反目兄弟日辰剋弟身命爻或弟帶日辰剋兄身命爻主兄弟不和互相凌虐

日將與世身相生當主雙胎身命與世應同爻多應

兩姓

身世與日辰動爻同位兩生命者主雙胎命臨應上世亦臨之主有兩姓

妻財發動不堪父值休囚父母交重最忌子臨死絕

上有父母不堪財爻發動主有剋害之患父動則剋子也

妻剋世身重合應妻必重婚

財爻動剋夫命或妻命動剋夫爻并日辰又與應相合主妻再嫁若帶咸池與應爻相合剋夫身命爻主妻與外人謀殺夫主若臨交爻主未來之事

夫刑妻命兩逢財夫當再娶

夫刑剋妻命或刑剋財爻更逢剋處兩財主夫剋兩妻并日辰合旁爻之財主再娶并日辰動爻帶刃刑等煞傷妻命爻主遭夫毒手也

妻與應爻相合外有私通

妻命財爻與應相合咸池玄武主妻有外情夫并日辰剋妻與應爻主獲妻奸

男臨女子互爻內多淫慾

男命爻起合女命爻女身爻起臨男命爻為互合尊卑失序主有淫亂之事若夫妻互相合主先姦後娶青龍水木臨妻位多獲奩財

如財臨水木有氣夫命臨之主得妻財

玄武桃花犯命中荒淫酒色

身命帶玄武咸池主貪酒色男女同論

世應妻爻相合當招偏正之夫

為世應財爻三合逢兩鬼合妻命主有偏正之夫

財爻世應六冲必是生離之婦

妻命值鬼爻與世應併日辰破合重重相冲與財兩合或妻命爻與世應動爻相冲或日辰相冲主是生

離之歸

世應為妻爻相隔逢冲必招外郡之人

世應在日辰旬中隔斷妻爻與夫爻相隔在日辰旬外逢冲主夫是外郡之人

夫妻與福德相逢帶合必近親隣之女

夫妻二命爻俱在本宮就中合見子孫主因親致親

命逢死炁最嫌煞忌當頭

主象逢死絕若日辰動爻臨忌煞來剋或剋本命主有死亡之禍

鬼入墓鄉尤忌身爻瀝血

命爻帶鬼入墓怕身爻再帶煞受制最不吉之兆

惡莫惡於三刑迭刃。

刑無刃不能傷人刃無刑禍亦不大若刑刃兩全剋身臨官主犯官刑臨玄武劫盜賊圖財動命世併日辰動爻剋應主我殺他人應併日辰動爻帶煞剋世主他人傷我若遇子孫發動凶中有吉。

凶莫凶於四虎交加。

四虎者年月日時建也若帶鬼煞重重舉家遭禍死亡若卦中福德動主悲喜相半之象。

四鬼貼身防生災咎。

四鬼者亦謂年月日時值官鬼持世臨身臨命主有災咎。

三傳剋世易惹災危。

三傳年月日也若帶煞剋世身命主宅丁人眷災危太歲主一年之禍月建主數月之災也。

劫亡兩賊傷身青草墳頭之鬼身命兩空遇煞黃泉

路上之人。

身命逢絕在旬中空亡遇鬼傷身剋命主有死亡之患。

勾陳傷玄武之妻財女多凶禍白虎損青龍之官鬼夫忌死亡。

新增家宅搜精分別六爻斷法

初爻非水休言井西金干涉道雞驚。

初爻如臨亥子水爻方可以井斷值財福以吉論值官鬼忌神以凶推若初爻與酉爻刑冲剋害生合卽是干涉也如有干涉方可言畜養雞驚鳴之吉凶不可混而言也。

臨土逢冲基地破。

初爻臨辰戌丑未土爻被月日冲破者其宅基必有挖開破缺之象。

無官無鬼小兒和。

初爻臨官鬼白虎父母發動其家主傷小口。若非官鬼忌煞臨持小口必平和無恙也。

宅邊若有墳和墓須知鬼墓值爻初。

鬼墓者指卦中官鬼之墓庫爻也。如得震巽宮卦金為官鬼金庫在丑。如丑爻臨于初爻則宅邊必有古墓也。

水臨白虎將橋斷。

如初爻臨于亥水附臨白虎主有橋梁臨財福則吉逢冲橋必壞也。

寅木貓良鼠耗無。

如初爻臨寅木吉神主其家有好貓能捕鼠。

玄武水乘溝利淪木爻官鬼樹為戈。

如初爻臨亥子水附玄武不可論橋論井當以溝渠之通塞斷如木爻官鬼值此主其家左近有樹根穿破宅基。

二爻木鬼梁橫竈。

言二爻如臨木爻官鬼主竈上有橫梁。

父母持之主堂與。

如二爻臨父母爻不論金木水火土皆以房屋之堂與推斷如臨旺相安靜則吉如逢休囚破剋主房屋

破漏不堪

在火官持慮火災土金變化宜興造。

如朱雀並火官在二爻主有火災如二爻土化金或金化土主有興造。

木被金冲鍋蓋摧金局摧殘鍋破壞。

如二爻臨木爻被金日金爻冲之知其鍋蓋破碎摧者壞也倘二爻會金局被冲其竈上必有破鍋

玄武土乘竈不潔土逢冲剋竈崩敗。

如二爻玄武同土持之主竈前不潔如二爻值土被日月動爻冲剋則竈必坍塌。

世鬼並臨非祖屋福財遭剋苦相逐。

世臨官鬼在二爻此屋決非祖產如福德財爻在二爻旺相有氣主其家安享豐足倘遭休囚破剋主其

家窮苦相逐也。

戊土于連以犬言。

如二爻與戊爻生剋冲合當以防家犬斷臨財福吉臨忌煞凶。

應飛此地人同宿。

如應臨之爻飛入二爻主有外人同住同宿者言同住也。

此爻不獨斷宅母各分名分安危卜。

古以二爻為宅母之位斷其吉凶予以為謬凡人家祖母母嫂弟婦姊妹妻女同居一室各有名分宜以

用神觀其生剋卜其吉凶也。

三爻亥水斷猪牲兄弟臨爻方論門。

第三爻非臨該爻不可便斷猪牲吉凶如兄弟爻臨于三爻上方可以門戶斷如臨財官父子不可槩推兄弟卯爻床榻論。

如兄弟是卯爻不可言門戶當以床榻論之大凡卯爻兄弟臨第三爻必神堂前有床榻或樓上做房闕碍神堂。

無官莫妄斷家神。

第三爻若臨官爻方可寔指神堂若非官爻臨其不可便斷神堂也。

金官臨主香爐破木鬼青龍牌位新。

如三爻臨金官主香爐破損或值木鬼青龍旺相神牌自然新彩畫也。

四爻若動來冲剋門門相對似穿心。

若第四爻動來冲剋三爻主家中門門相對或穿心走破不利。

三四互臨兄弟位門多屋少耗傷金。

如三四爻俱臨兄弟爻主其家屋少門多耗散金銀之象。

若被動爻冲木位出入不在正門行。

如本爻被日月動爻冲剋主其家旁門出入不走正門。

爻臨卯木主床帳木臨蛇鬼婦虛驚。

如第三爻臨卯木是床帳也臨財福則床帳新鮮若臨螣蛇官鬼其婦女在床有意外虛驚。

三爻不是弟兄位官揺父陷始難寧。

古以第三爻爲兄弟之位謬也如官爻發動剋害兄弟爻又遇父母空陷不來救護方可論弟兄之有患。

難不安寧也

四爻兄弟方言戶。四二相合主大門。

三門四戶是古法也。然無兄弟臨之不可。便言門戶。如臨兄弟方以戶斷。第四爻或動或靜。與第二爻相合者。當以大門決斷。

未變鬼臨第四位。畜羊不利。見災速。

未爻臨于第四爻上。當以羊斷。如變鬼爻。畜羊有損。

玄武官鬼門破漏。青龍財福喜更新。

四爻上如臨玄武官鬼門主破。如臨青龍財福與二爻牛合者。可知其門樓有更新之象。

朱雀臨官主獄訟。

朱雀臨官爻在四爻上。主有官非訟事。

玄武乘兄有水侵。

如玄武臨兄弟。不可以兄弟為戶論。必有他潭水侵住宅。如冲剋二爻有碍住居也。

兄弟螣蛇臨爻位。隣人坑廁碍家庭。

四爻弟兄臨螣蛇。不可以兄弟為戶論。當主隣家有破坑相碍。

旬空月破當爻見。不足無門是破門。

若第四爻值旬空月破。當以無大門或破門斷之。

冲剋相乘旁出入。外族不應將此論。

如遇冲遇剋。必主旁門出入。至于外族之論。係易林之謬。不可為憑也。

財剋子臨傷父母陰陽兩斷內中分

財動剋父若再得子孫爻動而助財來剋主父母有傷如父母爻臨陽象則剋父陰象則剋母卦中六爻內見之皆如此古以四爻為母位而論其剋母此說大謬

五爻剋二人以寧

五爻為人口之爻剋二爻則人口安寧如動來剋宅亦不宜也又宜以六親生剋論之如二爻動來剋五爻此屋居之不安穩也

官連蛇鬼長房連

五爻為長房長子如官鬼同蛇虎持之主長房長子多悔也

若遭白虎刑冲剋主有驚癇不得生

倘五爻被白虎爻動來刑冲剋害又不可以長子長房斷主其家有驚癇之疾者不能醫治而難生也

世臨陰位女為政財爻持世贅為姻

如世居五爻爻是陰位主其家內闔為政主持家事財爻持世居此位其人贅去為婿又非女人主事也若是一爻冲剋破當家夫婦少恩情

二爻如逢冲破主夫婦爭張又非贅婿之論也

水臨世合水遠屋兄弟臨時牆有坑

五爻臨水與二爻生合或與世爻生合主宅邊有水環繞如臨兄弟主牆內有坑碍

丑土剋冲牛不利椿庭休咎父爻尋

如丑爻發動剋五爻或與五爻刑冲畜牛不利若以五爻為父謬矣欲問父之吉凶休咎應向父爻論其

生剋可也

六爻財位論奴丁。父母相臨祖輩人。陽木棟梁陰是柱。官庫侵之乃是墳。

第六爻若臨財位。方言奴僕如遇旬空月破。則奴僕無力。倘遇日冲爻冲。主有逃亡之事。若臨父母當論祖輩。倘休咎。倘陽爻臨木父。不可以祖輩言。當以棟梁。如臨陰木父母爻。當以庭柱論。如官爻之庫臨于六爻上。當以技墓論。其生剋合冲。分別吉凶。

父臨屬土主牆壁。

如父母屬土。當以牆壁斷。

卯木簷籬定吉凶。

如臨卯木。不論陰陽。當以簷籬斷之。以生剋合冲。定其吉凶。如卯爻旬空。尚有簷籬。如動來剋世。當以凶推。如逢生合。當以吉斷。

身世相臨第六爻。離祖成家斷可必。

如卦身臨于第六爻。或世爻臨之。主來卜之人必離祖業。方可成家。

位臨於酉動爻冲。鍋破懸知在此中。

如第六爻臨有酉金。被月日動爻冲之。主家中有破鍋不安。

雀鬼臨爻。頭女斷爻。分別不相蒙。

如朱雀官鬼臨爻。主有女人染風癩之疾。蒙者蒙昧不明也。

卜筮正宗卷之九終



益王宗卷之九

其古則於取之向空而直前而收轉來與世當因
以強明本不無他期當以無窮之以此主合中
當以古通
其古則於取之向空而直前而收轉來與世當因
以強明本不無他期當以無窮之以此主合中
當以古通

